



4/19
807

Broj: 01-05-18470-2/17
Sarajevo, 30.05.2018. godine

Skupština Kantona Sarajevo
N/r Predsjedateljice
-Ovdje-

PREDMET: Odgovor na zastupničko pitanje zastupnika Rasima Lakote

U periodu od 01.01. do 30.04.2018. godine, KJKP "Rad" je području općine Ilidža obavljalo poslove prikupljanja, odvoza i odlaganja komunalnog otpada, ručnog čišćenja, mašinskog čišćenja i pranja javnoprometnih površina. Predmetni poslovi su obavljani na osnovu Programa i Operativnih planova za 2018. godinu. Pored pobrojanih poslova, KJKP "Rad" je obavljalo i prikupljanje, odvoz i odlaganje kabastog otpada u redovnom terminu te prikupljanje, odvoz i deponovanje nepropisno odloženog komunalnog, kabastog i ostalog otpada.

Prikupljanje, odvoz i deponovanje komunalnog i drugog otpada je obavljano uz upotrebu 7 specijalnih teretnih motornih vozila za odvoz komunalnog otpada i 2 teretna motorna vozila otvorenog tipa. U periodu od 01.01. do 30.04.2018. godine, KJKP "Rad" je prikupilo i zbrinulo ukupno 7733,84 tone komunalnog otpada i 391,28 tona nepropisno odloženog kabastog, građevinskog i otpada druge vrste. Planirana i realizovana učestalost odvoza i zbrinjavanja otpada je tri puta sedmično. Obzirom na povećane količine otpada, učestalost odvoza i zbrinjavanja je na lokalitetu centra Ilidže povećana i do sedam puta sedmično. Obzirom na veliki broj vikend naselja koji rezultira povećanim količinama komunalnog otpada naročito nedeljom, pored odvoza u redovnim terminima odvoza, obavljan je i vanredni odvoz nedeljom u noćnoj smjeni uz angažman dodatna dva specijalna teretna motorna vozila za odvoz komunalnog otpada. Faktori koji otežavaju prikupljanje, odvoz i deponovanje otpada su nedovoljan broj lokacija za smještaj posuda za odlaganje komunalnog otpada, nedovoljna površina lokacija za smještaj posuda na koju nije moguće smjestiti dovoljan broj posuda za odlaganje komunalnog otpada te učestala devastacija posuda (fizička oštećenja, paljevine i slično). U cilju obezbjeđivanja novih i povećanja kapaciteta postojećih lokacija, KJKP "Rad" ostvaruje redovne kontakte i saraduje sa Općinom Ilidža. Putem Ministarstva komunalne privrede i infrastrukture Kantona Sarajevo, a u saradnji sa Općinom Ilidža izvršena je zamjena dotrajalih i postavljanje novih posuda za odlaganje komunalnog otpada zapremine 1100 litara.

Stanje komunalne higijene na području općine Ilidža je u velikoj mjeri narušeno nepropisnim odlaganjem otpada i to naročito na lokalitetima Rakovička cesta, Bistrički put, Gladno polje, Reme Ahmetovića, Bosanski ljiljan, Osjek, Drage Filipovića, Rate Dugonjića, Uglješe Uzelca, Skladi, Bojnička, Azići, Otes, Fadila Hadžića, Barska, Kasindolska, Dr. Avde Sućeske, Zdenka Markulja, Dobrinjska, Latička, Butmir, Butmirska cesta, Poligonska, Sokolović kolonija, Bjelašnička, Huseina Đoze, Seada Bublina, Igmanskih bataljona, Generala Izeta Nanića, Suvada Đulimana, Gaj, IV Viteške i Krste Hegedušića. Na pobrojanim lokalitetima je utvrđeno učestalo nepropisno odlaganje komunalnog i ostalog otpada uz povećano propisno odlaganje komunalnog



otpada. Na osnovu utvrđenog stanja, KJKP "Rad" je u obavljalo svakodnevni odvoz, nerijetko dva i tri puta u toku jednog dana. U cilju prevazilaženja dijela problema, u saradnji sa Općinom Ilidža, u toku je realizacija uvođenja tzv. "dvolinijskog odvoza" putem individualnih posuda zapremine 240 litara, kojim je planirana podjela 200 komada posuda i uključenje ulica Seada Bublina i Zeleni put u "dvolinijski sistem".

Na osnovu Programa i Operativnih planova za 2018. godinu, početak obavljanja poslova mašinskog čišćenja i pranja javnoprometnih površina je planiran za 15.03.2018. godine. Obzirom na vremenske prilike obavljanje Zimske službe je produženo do 01.04.2018. godine te je stoga redovno obavljanje predmetnih poslova otpočelo po završetku perioda Zimske službe. Nakon 01.04.2018. godine, izvođači koji su obavljali poslove zimskog održavanja nisu u potpunosti izvršili zakonsku obavezu uklanjanja posipnog materijala usljed čega nije bilo moguće obavljanje mašinskog čišćenja i pranja dijelova dionica i dionica u cjelosti. U svrhu održavanja čistoće, KJKP "Rad" je na najvećem dijelu dionica na kojima izvođači nisu uklonili posipni materijal izvršilo uklanjanje posipnog materijala iako nije bilo u obavezi a sa ciljem stvaranja uslova za redovno pranje i mašinsko čišćenje javnoprometnih površina. Uz redovno obavljanje predmetnih poslova, radi obilježavanja značajnih datuma, obavljano je dodatno mašinsko čišćenje i pranje lokaliteta na kojima su održavani programi obilježavanja. Zaključno sa 30.04.2018. godine, na području općine Ilidža obavljeno je pranje javnoprometnih površina u ukupnom obimu od 1407988 metara kvadratnih (površine puta učestalost) i mašinsko čišćenje u ukupnom obimu od 342357 metara kvadratnih (površine puta učestalost).

U periodu Zimske službe je obavljano ručno kupljenje otpadaka sa javnoprometnih površina i pražnjenje uličnih korpi za otpatke. Po isteku perioda Zimske službe, obavljano je metenje uz ručno kupljenje otpadaka sa javnoprometnih površina i pražnjenje uličnih korpi za otpatke. Ukupni obim realizacije poslova ručnog čišćenja je 10783886 metara kvadratnih (površine puta učestalost).

KJKP "Rad" putem rukovodioca Radne jedinice Ilidža, rukovodioca Službe operativne pripreme i Uprave Preduzeća ostvaruje redovne kontakte sa građanima sa područja općine Ilidža, mjesnim zajednicama i Općinom Ilidža u cilju rješavanja konkretnih problema kao i u cilju dugoročnog unapređenja stanja komunalne higijene na području općine Ilidža.

Sastavni dio ovoga odgovora na zastupničko pitanje je akt KJKP "Rad", "Informacija o održavanju komunalne higijene na području Općine Ilidža za period od 01.01. do 30.04.2018. godine" broj: 02-01-07/18 od 21.05.2018. godine, koju dostavljamo u prilogu.

S poštovanjem,

Prilog:

- Informacija KJKP „Rad”.

Dostaviti:

1. Naslovu;
2. Evidencija;
3. A/a.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1





Kantonalnojavnokomunalnopreduzeće "RAD" d.o.o.

Paromijska 57, 71000 Sarajevo, Bosna i Hercegovina


Telefon: 658-038, 616-101, 641-051, 710-270, 611-766; Fax: 656-812, 654-480, 643-966

E-mail: jkpradsa@bih.net.ba; web: www.rad.com.ba; EKO telefon: 660-000

ID broj: 4200316890001, PDV broj: 200316890001, Poreski broj: 0170010500, Šifra djelatnosti: 38.11
Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg.broj 1-1819

Naš broj: 02-01-07 4973/AP
Sarajevo, 21.05.2018. godine

KANTON SARAJEVO
MINISTARSTVO KOMUNALNE PRIVREDE I INFRASTRUKTURE
REISA DŽEMALUDINA ČAUŠEVIĆA BR.1
71000 SARAJEVO
FAX: 562-177



Veza Vaš dokument: Broj:01-05-18470-1/18 od 11.05.2018.godine

INFORMACIJA O ODRŽAVANJA KOMUNALNE HIGIJENE NA PODRUČJU OPĆINE ILIDŽA ZA PERIOD OD 01.01. DO 30.04.2018 GODINE

Poštovani,

Dostavljamo Vam informaciju o održavanju komunalne higijene na području općine Ilidža koju je kao zastupničko pitanje postavio Gosp. Rasim Lakota.

Aktivnosti održavanja komunalne higijene na području Općine Ilidža su u periodu 01.01. - 30.04.2018.godine realizovane prema Operativnim planovima za 2018.godinu koji su urađeni krajem 2017.godine u skladu sa Zakonom o komunalnoj čistoći (Službene Novine Kantona Sarajevo 14/16, 43,16 i 19/17) predstavnikom općine Ilidže i predstavnikom nadležnog ministarstva komunalne privrede Kantona Sarajevo.

Aktivnosti prikupljanja i zbrinjavanja komunalnog otpada su se odvijale prema Operativnim planovima za 2018. godinu. Radovi se obavljaju sa 6 specijalnih vozila autosmečarima, i jednim otvorenim vozilom tipa kiper, jednim otvorenim vozilom tipa sandučar i jednim autosmečarom manjih gabarita za ulazak u ulice koje nisu sabračajno pristupačne. Učestalost prikupljanja je tri puta sedmično, pojedine lokacije i sedam puta sedmično. Zbog velike produkcije otpada i kao i velikog broja vikend naselja uveden je rad dva autosmečara nedjeljom, a u proljetno jesenjem periodu i rad u trećoj smjeni za lokacije sa izrazito velikom produkcijom otpada.

Sredstva rada koja rade na redovnim aktivnostima prikupljanja komunalnog otpada u izvještajnom periodu su prikupila 7.733,84 t, a sredstva rada vanredno angažovana za kupljenje nekontrolisano odloženog kabastog otpada, građevinskog i baštanskog su prikupila 391,28 t. Pored toga što smo uveli 3 akcije odvoza kabastog otpada (proljeće, ljeto i jesen) primorani smo da sa ovih lokacija vanredno odvozimo kabasti otpad u više navrata što stvara dodatne troškove. najviše se ističu lokacije: Rakovička cesta (p.p. SCANIA), Bistrički put br.2, Gladno polje (kod džamije), R. Ahmetović, Bosanskih ljljiana (kod mosta), Osik - pravac (p.p. Senigor, kod priv. škole, most, plavi granap, stara okretaljka, Hendekuša), Drage Filipovića, Rate Dugonjića (kod mosta), Uglješe Uzelca, Skladi, Bojnička, Azići - Spomenik, Otes-Spomenik, F. Hadžića, Barska, Kasindolska - pravac, Dr. A. Sućeske, Zdenka Markulja, Dobrinjska, Letička, Butmir - stadion, Butmirska cesta (kod VOLVA), Poligonska-pravac, S. Kolonija, Bjelašnička-pravac, H. Doze (kod džamije), Seada Bublina, Igmanskih bataljona-pravac, Gen. Izeta Nanića, S. Đulimana, Gaj, IV Viteške (p.p. OAZA), K. Hegedušića-Lužani.

Ove lokacije su sa povećanim količinama i komunalnog otpada pa se sa tih lokacija vrši svakodnevni odvoz (u prvoj smjeni, drugoj, trećoj i dežura nedjeljom). Veliki problem predstavlja način izgradnje

Transakcijskiranja:
UniCredit bank d.d. Sarajevo: 3389002208077649
Intesa Sanpaolo Bank d.d. BiH: 154-001-1100043893



Certifikat ISO 9001:2000 i ISO 14001:2004 zapodručje:
Javnahigijena
(sakupljanje i odlaganje otpada, pranje i čišćenje javnih površina, saobraćaj u mirovanju, kafeterijske usluge, zimskaslužba), sanacija i rekonstrukcija saobraćajnica, rušenje BIO, proizvodnja asfalta i održavanje mehanizacije

ulica , gdje veliki broj ulica nema prostora za postavljanje posuda za odlaganje otpada npr. ulice u Osijeku, Kasindolska, Bjelašnička itd.

Na području općine Ilidža je evidentan problem i nedostatak posuda, adekvatnih mjesta za njihovo postavljanje, kao i velik broj pravnih subjekata koji ne posjeduju svoje posude i koriste posude građana i na taj način zauzimaju posude i ometaju građane da odlažu svoj otpad. Također, investitori novoizgrađenih objekata, vlasnici privrednih subjekata su dužni obezbijediti posude za otpad kao i izgrađeno mjesto – nišu za smještaj istih. Za rješenje ovog problema saradnja sa općinom je od velikog značaja. Rješavanje ovog problema KJKP"RAD" d.o.o. Sarajevo je u saradnji sa nadležnim općinskim službama pokušava riješiti izdavanjem saglasnosti za odvoz otpada sa definisanim obavezama podnosioca zahtjeva. U 2017.godini je izdato 39 saglasnosti, a u izvještajnom periodu 18. međutim nakon izdatih saglasnosti sve ostaje samo na papiru, jer prilikom tehničkog prijema objekta nije uzeta u razmatranje i tada se susrećemo sa problemom da građani kolektivnog stanovanja optužuju preduzeće RAD za nedovoljan broj posuda, neadekvatne lokacije. Sve te nedosljednosti komunalne infrastrukture za higijene prouzrokuju probleme, kao i nelegalna izgradnja individualnih objekta kojima nije projektovan način i mjesto odlaganja u sklopu urbanističkog razvoja.

U saradnji sa Ministarstvom komunalne privrede i infrastrukture ,Općini Ilidža je dodjeljeno 200 novih kontejnera 1100 l, te je izvršena zamjena devastirani kontejnera i postavljanje novih.

U toku je nastavak projekta dvolinijskog odvoza otpada gdje će biti podijeljeno 200 kompleta plastičnih kanti 240 l za selektivno odlaganje i prikupljanje otpada iz domaćinstava. Sa općinskim službama dogovoreno je da u dvolinijski sistem odvoza ut budu uključene ulice Seada Bublina i Zeleni put.

U saradnji sa Zavodom za planiranje i razvoj Kantona Sarajevo se izradom Elaborata o lokacijama reciklažnih dvorišta, niša i zelenih otoka se pristupa rješavanju velikog problema neadekvatnih lokacija posuda za odlaganje komunalnog otpada i nedostatak istih kako za građanstvo tako i za pravne subjekte. Uređenim uslovima za odvojeno prikupljanje otpada postigao bi se strateški cilj smanjenje količine deponovanog otpada i produženje vijeka rada postojeće deponije.

U periodu januar –mart se pristupilo realizaciji apliciranog projekta „Jačanje javne svijesti o zaštiti okoliša - Otpad nije smeće“. Obavljene su javne nabavke mobilijara, propagandnog i reklamnog materijala, kao i saradnja sa osnovnim školama. na području općine Ilidža je izvršena edukacija učenika o postupanju sa otpadom u VIII osnovnoj školi Amer Čenanović" Butmir. KJKP"RAD" ulaže dodatne aktivnosti edukacija učenika i građana putem printanih i elektronskih medija o postupanju i pravilnim upravljanjem otpadom.

Aktivnosti održavanja komunalne higijene na području općine Ilidža obuhvataju ručno čišćenje tokom cijele godine; mašinsko čišćenje i pranje javnoprometnih površina u periodu od 15.03. do 15.11. tekuće godine. Zbog nepovoljnih vremenskih uslova rad Zimske službe je bio produžen do 01.04.2018. godine. U periodu zimske službe prohodnost saobraćajnica i sprječavanje poledice je dodijeljeno drugom pravnom subjektu. Aaktivnosti komunalne higijene bile su na pobiranju krupnijeg uličnog otpada, a sve ostale aktivnosti metenja i uklanjanja frakcije su zakonska obaveza pravnog lica koje je angažovano u zimskom periodu i koje je dužno da po završetku sezone očišćene javnoprometne površine od posipnog materijala preda na redovno održavanje o čemu smo nadležnu općinsku službu obavjestili putem dopisa.

Iako sve ove aktivnosti pravnog subjekta nisu blagovremeno urađene radnici preduzeća RAD su u izvještajnom periodu poduzeli sve aktivnosti ručnog čišćenja i održavali ukupnu površinu od 10.783.886 m².

Zbog nepovoljnih uslova i produženog roka rada Zimske službe za ovaj period cisterne su oprale 1.407.988 m² , a mašinski je očišćeno 345.357 m.

Pored redovnog rada po planu i programu vandredno pranje ulica na području Općine Ilidža vršeno je :

- 12.03. - Pranje oko Općine Ilidža povodom dana općine
- 17.03. - Pranje oko M.Z. Butmir povodom dana M.Z. Butmir
- 04.04. - Pranje oko spomen obilježja kod M.Z. Stupsko Brdo i pranje ul. Kasima Begića povodom dana M.Z. Stupsko Brdo
- 05.04. - Pranje oko spomen obilježja u Donjem Kotorcu povodom obilježavanja pgoibije „Hajrudina Klepe“
- 08.04. - U nocnoj smjeni izvršeno pranje kompletnog platoa u parku Hrasnica ispred Doma Hrasnica povodom obilježavanja godišnjice formiranja diverzantskog odreda Fikro.
- 23.04. - Pranje Velike Aleje

Na stepen zaprljanosti javnoprometnih površina utiče i veliki broj kamiona sa gradilišta koji izlaze na saobraćajnice sa prljavim točkovima i dolazi do dodatnog zaprljanja ulica.

Problemi sa kojima se susrećemo pri prikupljanju komunalnog otpada su kvarovi vozila, ali se te aktivnosti realizuju u drugoj smjeni isti dan.

U Izvještaju dostavljenom Općini Ilidža za 2017.godinu o stanju komunalne higijene je dat prijedlog da zajedničkom saradnjom se ulože dodatna finasijska sredstva za obnavljanje neophodne opreme za komunalnu infrastrukturu i redovno održavanje komunalne higijene u nabavci posuda, električnog usisivača i specijalnog vozila.

Napominjemo da je naplatom obuhvaćeno 23.306 domaćinstava i da je stepen naplate 57%, a privrede 2.645 objekata i da je stepen naplate 63%. Veliki broj građana, kao i privrednih subjekata nije prijavljen, a koristi komunalne usluge. Svi ti elementi utiču na priliv finansijskih sredstava koji nije dovoljan da bi samo preduzeće moglo pratiti intezivnu izgradnju i povećanje broja stanovnika i turista na lokalitetu općine Ilidža.

Zajedničkim saradnjom na rješavanju problema nadležnih općinskih službi i preduzeća „RAD“ se mogu prevazići novonastali problemi, a optuživanjem samo jedne strane i očekivanjem da neko drugi riješi naše probleme nije moguće.

S poštovanjem,



D. Selim Babić
građ.ing.